


小學本註

下



				五	漢
			二	二	書
		一	七		門
	一	四			
二	冊	架	函	號	類

庫文閣內		
二	五	漢
八	二	
函		

內閣文庫	
番號	漢 5274
冊數	2 (2)
函號	298 224



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



橫渠語錄

小學外篇

詩曰天生烝民有物有則民之秉彝好是懿德孔子曰為此詩者其知道乎故有物必有則民之秉彝也故好是懿德歷傳記接見聞述嘉言紀善行為小學外篇

嘉言第五

橫渠張先生曰教小兒先要安詳恭敬今

外一 教三州

世學不講男女從幼便驕惰壞了到長益
凶狠只爲未嘗爲子弟之事則於其親已
有物我不肯屈下病根常在又隨所居而
長至死只依舊爲子弟則不能安洒掃應
對接朋友則不能下朋友有官長則不能
下官長爲宰相則不能下天下之賢甚則
至於徇私意義理都喪也只爲病根不去
隨所居所接而長○楊文公家訓曰童穉

程子遺書

之學不止記誦養其良知良能當以先入
之言爲主日記故事不拘今古必先以孝
悌忠信禮義廉耻等事如黃香扇枕陸績
懷橘叔敖陰德子路負米之類只如俗說
便曉此道理久久成熟德性若自然矣○
明道程先生曰憂子弟之輕俊者只教以
經學念書不得令作文字凡百玩好皆奪
志至於書札於儒者事最近然一向好著

外二 改正訓

亦自喪志○伊川程先生曰教人未見意
 趣必不樂學欲且教之歌舞如古詩三百
 篇皆古人作之如關雎之類正家之始故
 用之鄉人用之邦國日使人聞之此等詩
 其言簡與今人未易曉別欲作詩略言教
 童子洒掃應對事長之節令朝夕歌之似
 當有助○陳忠肅公曰幼學之士先要分
 別人品之上下何者是聖賢所為之事何

者是下愚所為之事向善背惡去彼取此
 此幼學所當先也顏子孟子亞聖也學之
 雖未至亦可為賢人今學者若能知此則
 顏孟之事我亦可學言溫而氣和則顏子
 之不遷漸可學矣過而能悔又不憚改則
 顏子之不貳漸可學矣知埋鬻之戲不如
 俎豆念慈母之教至於三遷自幼至老不
 厭不改終始一意則我之不動心亦可如

孟子矣若夫立志不高則其學皆常人之
事語及顏孟則不敢當也其心必曰我爲
孩童豈敢學顏孟哉此人不可以語上矣
先生長者見其卑下豈肯與之語哉先生
長者不肯與之語則其所與語皆下等人
也言不忠信下等人也行不篤敬下等人
也過而不知悔下等人也悔而不知改下
等人也聞下等之語爲下等之事譬如坐

後漢書
馬援傳

於房舍之中四面皆墻壁也雖欲開明不
可得矣○馬援兄子嚴敦並喜譏議而通
輕俠客援在交趾還書誡之曰吾欲汝曹
聞人過失如聞父母之名耳可得聞口不
可得言也好議論人長短妄是非政法此
吾所大惡也寧死不願聞子孫有此行也
龍伯高敦厚周慎口無擇言謙約節儉廉
公有威吾愛之重之願汝曹效之杜季良

豪俠好義憂人之憂樂人之樂清濁無所失父喪致客數郡畢至吾愛之重之不願汝曹效也效伯高不得猶為謹敕之士所謂刻鵠不成尚類鶩者也效季良不得陷為天下輕薄子所謂畫虎不成反類狗者也○漢昭烈將終敕後主曰勿以惡小而為之勿以善小而為之○諸葛武侯戒子書曰君子之行靜以脩身儉以養德非澹

蜀志

同前

柳氏家訓

泊無以明志非寧靜無以致遠夫學須靜也才須學也非學無以廣才非靜無以成學惰慢則不能研精險躁則不能理性年與時馳意與歲去遂成枯落悲歎窮廬將復何及也○柳玘嘗著書戒其子弟曰夫壞名災已辱先喪家其失尤大者五宜深誌之其一自求安逸靡甘澹泊苟利於己不恤人言其二不知儒術不悅古道惜前

經而不耻論當世而解頤身既寡知惡人有學其三勝已者厭之佞已者悅之唯樂戲談莫思古道聞人之善嫉之聞人之惡揚之浸漬頗僻銷刻德義簪裾徒在廡養何殊其四崇好優遊耽嗜麪蘖以銜杯爲高致以勤事爲俗流習之易荒覺已難悔其五急於名宦匿近權要一資半級雖或得之衆怒羣猜鮮有存者余見名門右族

宋文鑑

莫不由祖先忠孝勤儉以成立之莫不由子孫頑率奢傲以覆墜之成立之難如升天覆墜之易如燎毛言之痛心爾宜刻骨○范魯公質爲宰相從子杲嘗求奏遷秩質作詩曉之其略曰戒爾學立身莫若先孝悌怡怡奉親長不敢生驕易戰戰復兢兢造次必於是戒爾學于祿莫若勤道藝嘗聞諸格言學而優則仕不患人不知惟

患學不至戒爾遠耻辱恭則近乎禮自卑而尊人先彼而後已相鼠與茅鳴宜鑑詩人刺戒爾勿放曠放曠非端士周孔垂名教齊梁尚清議南朝稱八達千古穢青史戒爾勿嗜酒狂藥非佳味能移謹厚性化為凶險類古今傾敗者歷歷皆可記戒爾勿多言多言衆所忌苟不慎樞機災厄從此始是非毀譽間適足爲身累舉世重交

游擬結金蘭契忿怨容易生風波當時起所以君子心汪汪淡如水舉世好承奉昂昂增意氣不知承奉者以爾爲翫戲所以古人疾蓬條與戚施舉世重游俠俗呼爲氣義爲人赴急難往往陷因繫所以馬援書殷勤戒諸子舉世賤清素奉身好華侈肥馬衣輕裘揚揚過閭里雖得市童憐還爲識者鄙我本羈旅臣遭逢堯舜理位重

躑音致

皇極經世書

才不充戚戚懷憂畏深淵與薄冰蹈之惟
恐墜爾曹當閔我勿使增罪戾閉門斂蹤
跡縮首避名勢勢位難久居畢竟何足恃
物盛則必衰有隆還有替速成不堅牢速
走多顛躑灼灼園中花早發還先萎遲遲
澗畔松鬱鬱含晚翠賦命有疾徐青雲難
力致寄語謝諸郎躁進徒為耳○康節邵
先生誠子孫曰上品之人不教而善中品

之人教而後善下品之人教亦不善不教
而善非聖而何教而後善非賢而何教亦
不善非愚而何是知善也者吉之謂也不
善也者凶之謂也吉也者目不觀非禮之
色耳不聽非禮之聲口不道非禮之言足
不踐非禮之地人非善不交物非義不取
親賢如就芝蘭避惡如畏蛇蝎或曰不謂
之吉人則吾不信也凶也者語言詭譎動

呂氏童
蒙訓又
言行錄

止陰險好利飾非貪淫樂禍疾良善如讎
隙犯刑憲如飲食小則殞身滅性大則覆
宗絕嗣或曰不謂之凶人則吾不信也傳
有之曰吉人為善惟日不足凶人為不善
亦惟日不足汝等欲為吉人乎欲為凶人
乎○節孝徐先生訓學者曰諸君欲為君
子而使勞已之力費已之財如此而不為
君子猶可也不勞已之力不費已之財諸

胡氏家
錄

君何不為君子鄉人賤之父母惡之如此
而不為君子猶可也父母欲之鄉人榮之
諸君何不為君子又曰言其所善行其所
善思其所善如此而不為君子未之有也
言其不善行其不善思其不善如此而不
為小人未之有也○胡文定公與于書曰
立志以明道希文自期待立心以忠信不
欺為主本行已以端莊清慎見操執臨事

葉祖治
撰陳先
生行狀

以明敏果斷辨是非又謹三尺致求立法之意而操縱之斯可為政不在人後矣汝勉之哉治心脩身以飲食男女為切要從古聖賢自這裏做工夫其可忽乎○古靈陳先生為仙居令教其民曰為吾民者父義能正其家母慈能養其下兄友能愛其弟弟恭能敬其兄子孝能事父母夫婦有恩貧窮相守為恩若棄妻也男女有別夫男有別夫分別不亂子弟有學禮能知恩也

廉歲時寒暄皆以恩意往來鄉閭有禮燕飲叙老少坐立拜起貧窮患難親戚相救謂借貸錢穀昏姻死喪鄰保相助無墮農業無作盜賊無學賭博無奸爭訟無以惡陵善無以富吞貧行者讓路少避長賤避貴去耕者讓畔地有界畔輕避重來避去耕者讓畔不相侵奪斑白者不負戴於道路子弟負重執役則為禮不令老者擔擎義之俗矣
右廣立教

文三則

溫公家儀

溫公居家雜儀

司馬溫公曰凡諸卑幼事無大小毋得專行必咨稟於家長易曰家人有嚴君焉父在上而其下敢直情自恣不顧者乎雖非父母當時為家長者亦當咨稟而行之則號令出於一人家政可得而治矣○凡子受父母之命必籍記而佩之時省而速行之事畢則返命焉或所命有不可行者則和色柔聲具是非利害而白之待父母之許然後改之若不許苟於事無大害者亦當曲從若以父母

橫渠先生雜說

羅豫章孟子說

之命為非而直行已志雖所執皆是猶為不順之子况未必是乎○橫渠先生曰舜之事親有不悅者為父頑母嚚不近人情若中人之性其愛惡若無害理必姑順之若親之故舊所喜當極力招致賓客之奉當極力營辦務以悅親為事不可討家之有無然又須使之不知其勉強勞苦苟使見其為而不易則亦不安矣○羅仲素論

書儀

先祖初祖以下高祖以上之祖也立春生物之始故象其類而祭之季秋祭禘象其類而祭之始亦忌日遷主祭於正寢
凡事死之禮當厚於奉生者人家能存得此等事數件雖幼者可使漸知禮義○司馬溫公曰冠者成人之道也成人者將責為人子為人弟為人臣為人少者之行也將責四者之行於人其禮可不重與冠禮之廢久矣近世以來人情尤為輕薄生子

同上

猶飲乳已加巾帽有官者或為之製公服而弄之過十歲猶總角者蓋鮮矣彼責以四者之行豈能知之故徃徃自幼至長愚駭如一出不知成人之道故也古禮雖稱二十而冠然世俗之弊不可猝變若敦厚好古之君子俟其子年十五已上能通孝經論語粗知禮義之方然後冠之斯其美矣○古者父母之喪既殯食粥齊衰蔬食

外 卷一 文正川集

水飲不食菜果。父母之喪，既虞卒哭，蔬食水飲，不食菜果。期而小祥，食菜果。又期而大祥，食醯醬。中月而禫，禫而飲醴酒。始飲酒者，先飲醴酒。始食肉者，先食乾肉。古人居喪無敢公然食肉飲酒者。漢昌邑王奔昭帝之喪，居道上不素食。霍光數其罪而廢之。晉阮籍負才放誕，居喪無禮，何曾面質籍於文帝，坐曰：「卿敗俗之人，不可長也。」

因言於帝曰：「公方以孝治天下，而聽阮籍以重哀飲酒食肉於公，坐宜擯四裔，無令汚染華夏。」宋廬陵王義真居武帝憂，使左右買魚肉珍羞於齋內，別立厨帳，會長史劉湛入，因命膳酒炙車螯。湛正色曰：「公當今不宜有此設。義真曰：「且甚寒，長史事同一家，望不為異。」酒至，湛起曰：「既不能以禮自處，又不能以禮處人。」隋煬帝為太子居

文獻皇后喪每朝令進一溢米而私令外
取肥肉脯鮓置竹筒中以蠟閉口衣襪裏
而納之湖南楚王馬希聲葬其父武穆王
之日猶食雞臠其官屬潘起譏之曰昔阮
籍居喪食蒸豚何代無賢然則五代之時
居喪食肉者人猶以為異事是流俗之弊
其來甚近也今之士大夫居喪食肉飲酒
無異平日又相從宴集覩然無愧人亦恬

不為怪禮俗之壞習以為常悲夫乃至鄙
野之人或初喪未歛親賓則齋酒饌往勞
之主人亦自備酒饌相與飲啜醉飽連日
及葬亦如之甚者初喪作樂以娛尸及殯
葬則以樂導輜車而號哭隨之亦有乘喪
即嫁娶者噫習俗之難變愚夫之難曉乃
至此乎凡居父母之喪者太祥之前皆未
可食肉飲酒若有疾暫須食飲疾止亦當

溫公書儀

復初必若素食不能下咽久而羸憊怒成疾者可以肉汁及脯醢或肉少許助其滋味不可恣食珍羞盛饌及與人宴樂是則雖被衰麻其實不行喪也唯五十以上血氣既衰必資酒肉扶養者則不必然耳其居喪聽樂及嫁娶者國有正法此不復論○父母之喪中門之外擇樸陋之室為丈夫喪次斬衰寢苦枕塊塊謂上擊不脫絰

同前

同前

帶不與人坐焉婦人次於中門之內別室撤去帷帳衾褥華麗之物男子無故不入中門婦人不得輒至男子喪次晉陳壽遭父喪有疾使婢丸藥客往見之鄉黨以為貶議坐是沈滯坎坷終身嫌疑之際不可不慎○父母之喪不當出若為喪事及有故不得已而出則乘樸馬布裏鞍轡○世俗信浮屠誑誘凡有喪事無不供佛飯僧

喪事

旧注逸
覲字作
女巫也
按說文

云為死者滅罪資福使生天堂受諸快樂
不為者必入地獄剉燒舂磨受諸苦楚殊
不知死者形既朽滅神已飄散雖有剉燒
舂磨且無所施又况佛法未入中國之前
人固有死而復生者何故都無一人誤入
地獄見所謂十王者耶此其無有而不足
信也明矣○顏氏家訓曰吾家巫覲符章
絕於言議汝曹所見勿為妖妄覲男也○伊

在男曰
覲在女
曰巫故
今補正
程氏遺
書游定
夫錄

遺書劉
元承錄

川先生曰人無父母生日當倍悲痛更安
忍置酒張樂以為樂若具慶者可矣○呂
氏童蒙訓曰事君如事親事官長如事兄
與同僚如家人待羣吏如奴僕愛百姓如
妻子處官事如家事然後能盡吾之心如
有毫末不至皆吾心有所未盡也○或問
簿佐令者也簿所欲為令或不從奈何伊
川先生曰當以誠意動之今令與簿不和

卷之七
文正訓

明道先生行狀

只是爭私意令是邑之長若能以事父兄之道事之過則歸已善則唯恐不歸於令積此誠意豈有不動得人○明道先生曰一命之士苟存心於愛物於人必有所濟○劉安禮問臨民明道先生曰使民各得輸其情問御吏曰正己以格物○伊川先生曰居是邦不非其大夫此理最好○童蒙訓曰當官之法唯有三事曰清曰慎曰

同前

語錄游定夫錄

童蒙訓

勤知此三者則知所以持身矣○當官者凡異色人皆不宜與之相接坐視尼媪之類尤宜踈絕要以清心省事為本○後生少年乍到官守多為猾吏所餌不自省察所得毫末而一任之間不敢復舉動大抵作官嗜利所得甚少而吏人所盜不貲矣以此被重譴良可惜也○當官者先以暴怒為戒事有不可當詳處之必無不中若

同前

同前

同前

先暴怒只能自害豈能害人○當官處事
但務着實如塗捺文字追改日月重易押
字萬一敗露得罪反重亦非所以養誠心
事君不欺之道也○王吉上疏曰夫婦人
倫大綱夭壽之萌也世俗嫁娶太蚤未知
為人父母之道而有子是以教化不明而
民多夭○文中子曰婚娶而論財夷虜之
道也君子不入其鄉古者男女之族各擇

前漢書
列傳

中說

同前

書儀

德焉不以財為禮○早婚少聘教人以偷
妾媵無數教人以亂且貴賤有等一夫一
婦庶人之職也○司馬溫公曰凡議婚姻
當先察其壻與婦之性行及家法何如勿
苟慕其富貴壻苟賢矣今雖貧賤安知異
時不富貴乎苟為不肖今雖富貴安知異
時不貧賤乎婦者家之所由盛衰也苟慕
一時之富貴而娶之彼挾其富貴鮮有不

按苟賢
苟為二
苟誠也

名臣言行錄

唐諺錄
彦思錄

輕其夫而傲其舅姑養成驕妬之性異日
為患庸有極乎借使因婦財以致富依婦
勢以取貴苟有丈夫之志氣者能無愧乎
○安定胡先生曰嫁女必須勝吾家者勝
吾家則女之事人必欽必戒娶婦必須不
若吾家者不若吾家則婦之事舅姑必執
婦道○或問孀婦於理似不可取如何伊
川先生曰然凡取以配身也若取失節者

顏氏家訓

以配身是已失節也又問或有孤孀貧窮
無託者可再嫁否曰只是後世怕寒餓死
故有是說然餓死事極小失節事極大○
顏氏家訓曰婦主中饋唯事酒食衣服之
禮耳國不可使預政家不可使幹蠱如有
聰明才智識達古今正當輔佐君子勸其
不足必無牝雞晨鳴以致禍也○江東婦
女略無交游其婚姻之家或十數年間未

同前

相識者唯以信命贈遺致殷勤焉鄰下風俗專以婦持門戶爭訟曲直造請逢迎代子求官為夫訴屈此乃恒代之遺風乎○夫有人民而後有夫婦有夫婦而後有父子有父子而後有兄弟一家之親此三者而已矣自茲以往至于九族皆本於三親焉故於人倫為重也不可不篤兄弟者分形連氣之人也方其幼也父母左提右挈

柳仲塗撰叔母墓誌

前襟後裾食則同案衣則傳服學則連業遊則共方雖有悖亂之人不能不相愛也及其壯也各妻其妻各子其子雖有篤厚之人不能不少衰也姊妹之比兄弟則踈薄矣今使踈薄之人而節量親厚之恩猶方底而圓蓋必不合矣惟友悌深至不為傍人之所移者免夫○柳開仲塗曰皇考治家孝且嚴且望弟婦等拜堂下畢即上

柳開仲塗

手低面聽我皇考訓誡曰人家兄弟無不
義者盡因娶婦入門異姓相聚爭長競短
漸漬日聞偏愛私藏以致背戾分門割戶
患若寇讎皆汝婦人所作男子剛腸者幾
人能不為婦人言所惑吾見多矣若等寧
有是耶退則惴惴不敢出一語為不孝事
開輩抵此賴之得全其家云○伊川先生
曰今人多不知兄弟之愛且如閭閻小人

得一食必先以食父母夫何故以父母之
口重於己之口也得一衣必先以衣父母
夫何故以父母之體重於己之體也至於
犬馬亦然待父母之犬馬必異乎己之犬
馬也獨愛父母之子却輕於己之子甚者
至若仇敵舉世皆如此惑之甚矣○橫渠
先生曰斯干詩言兄及弟矣式相好矣無
相猶矣言兄弟宜相好不要相學猶似也

語錄
劉承元

人情大抵患在施之不見報則輟故思不能終不要相學已施之而已○伊川先生曰近世淺薄以相歡狎為相與以無圭角為相歡愛如此者安能久若要久須是恭敬君臣朋友皆當以敬為主也○橫渠先生曰今之朋友擇其善柔以相與拍肩執袂以為氣合一言不合怒氣相加朋友之際欲其相下不倦故於朋友之間主其敬

語錄

名臣事
實

者曰相親與得效最速○童蒙訓曰同僚之契交承之分有兄弟之義至其子孫亦世講之前輩專以此為務今人知之者蓋少矣又如舊舉將及嘗為舊任按察官者後已官雖在上前輩皆辭避坐下坐風俗如此安得不厚乎○范文正公為參知政事時告諸子曰吾貧時與汝母養吾親汝母躬執爨而吾親甘旨未嘗克也今而得

名臣事
實

厚祿欲以養親親不在矣汝母亦已早世
吾所最恨者忍令若曹享富貴之樂也吾
崇中宗族甚衆於吾固有親踈然吾祖宗
視之則均是子孫固無親踈也苟祖宗之
意無親踈則飢寒者吾安得不恤也自祖
宗來積德百餘年而始發於吾得至大官
若獨享富貴而不恤宗族異日何以見祖
宗于地下今何顏入家廟乎於是恩例俸

家儀

賜常均於族人并置義田宅云○司馬溫
公曰凡為家長必謹守禮法以御羣子弟
及家衆分之職謂使之掌倉廩廩庫庖厨舍業田園之類授
之以事謂朝夕所幹及非常之事而責其成功制財用
之節量入以為出稱家之有無以給上下
之衣食及吉凶之費皆有品節而莫不均
一裁省冗費禁止奢華常須稍存贏餘以
備不虞

文正公集

右廣明倫

漢書列傳

唐書方

技傳

國語晉

傳

唐書列

通書

董仲舒曰仁人者正其誼不謀其利明其道不計其功○孫思邈曰膽欲大而心欲小智欲圓而行欲方○古語云從善如登從惡如崩○孝友先生朱仁軌隱居養親常誨子弟曰終身讓路不枉百步終身讓畔不失一段○濂溪周先生曰聖希天賢希聖士希賢伊尹顏淵大賢也伊尹耻其

同前

同前

遺書

君不為堯舜一夫不得其所若撻于市顏淵不遷怒不貳過三月不違仁志伊尹之所志學顏淵之所學過則聖及則賢不及則亦不失於令名○聖人之道入乎耳存乎心蘊之為德行行之為事業彼以文辭而已者陋矣○仲由喜聞過令名無窮焉今人有過不喜人規如護疾而忌醫寧滅其身而無悟也噫○明道先生曰聖賢千

同前

呂舍人

師友雜

志又外

言萬語只是欲人將已放之心約之使反復入身來自能尋向上去下學而上達也
○心要在腔子裏○伊川先生曰只整齊嚴肅則心便一一則即無非僻之于○伊川先生甚愛表記君子莊敬日彊安肆日偷之語蓋常人之情纔放肆則日就曠蕩自檢束則日就規矩○人於外物奉身者事事要好只有自家一箇身與心卻不要

同前

呂舍人

師友雜

志又外

伊川文集

好苟得外物好時却不知道自家身與心却已先不好了也○伊川先生曰顏淵問克已復禮之目孔子曰非禮勿視非禮勿聽非禮勿言非禮勿動四者身之用也由乎中而應乎外制乎外所以養其中也顏淵事斯語所以進於聖人後之學聖人者宜服膺而勿失也因箴以自警視箴曰心兮本虛應物無迹操之有要視爲之則蔽

外
三六
故王則燕

交於前其中則遷制之於外以安其內克
已復禮久而誠矣聽箴曰人有秉彜本乎
天性知誘物化遂亡其正卓彼先覺知止
有定閑邪存誠非禮勿聽言箴曰人心之
動因言以宜發禁躁妄內斯靜專矧是樞
機興戎出好吉凶榮辱惟其所召傷易則
誕傷煩則支已肆物恠出悖來違非法不
道欽哉訓辭動箴曰哲人知幾誠之於思

遺書劉
質手錄
又莖蒙
訓

正蒙

范忠宣
言行錄

志士厲行守之於為順理則裕從欲惟危
造次克念戰兢自持習與性成聖賢同歸
○伊川先生言人有三不幸少年登高科
一不幸席父兄之勢為美官二不幸有高
才能文章三不幸也○橫渠先生曰學者
捨禮義則飽食終日無所猷為與下民一
致所事不逾衣食之間燕遊之樂爾○范
忠宣公戒子弟曰人雖至愚責人則明雖

外
三
一
文
正
訓
錄

師友雜
志又童
蒙訓

同前

有聰明恕已則昏爾曹但常以責入之心
責已恕已之心恕入不患不到聖賢地位
也○呂榮公嘗言後生初學且須理會氣
象氣象好時百事是當氣象者辭令容止
輕重疾徐足以見之矣不惟君子小人於
此焉分亦貴賤壽夭之所由定也○攻其
惡無攻人之惡蓋自攻其惡日夜且自點
檢絲毫不盡則慊於心矣豈有工夫點檢

呂氏集
酬酢事
同前

言行錄

他人耶○大要前輩作事多周詳後輩作
事多闕略○恩讎分明此四字非有道者
之言也無好人三字非有德者之言也後
生戒之○張思叔座右銘曰凡語必忠信
凡行必篤敬飲食必慎節字畫必楷正容
貌必端莊衣冠必肅整步履必安詳居處
必正靜作事必謀始出言必顧行常德必
固持然諾必重應見善如已出見惡如已

胡氏傳
家錄

病凡此十四者我皆未深省書之當座隅朝夕視爲警○胡文定公曰人須是一切世味淡薄方好不要有富貴相孟子謂堂高數仞食前方丈侍妾數百人我得志不爲學者須先除去此等常自激昂便不到得墜墮常愛諸葛孔明當漢末躬耕南陽不求聞達後來雖應劉先主之聘宰割山河三分天下身都將相手握重兵亦何求

辨志錄

不得何欲不遂乃與後主言成都有桑八百株薄田十五頃子孫衣食自有餘饒臣身在外別無調度不別治生以長尺寸若死之日不使廩有餘粟庫有餘財以負陛下及卒果如其言如此輩人真可謂太丈夫矣○范益謙座右戒曰一不言朝廷利害邊報差除二不言州縣官員長短得失三不言衆人所作過惡四不言仕進官職

趨時附勢五不言財利多少厭貧求富六
不言淫媒戲慢評論女色七不言求覓人
物于索酒食又曰人附書信不可開拆沈
滯發人私書拆人信物甚者結為仇怨余
輒留必為所附書物雖至親某處問訊未嘗
若事非順理而已之力不及者則可至誠
辭却之若已諾之矣則必須達與人並坐
所欲至於聽與不聽則在其人與否
不可窺人私書凡與賓客對坐及往人家
觀及注目偷視若屈膝並坐目力不可往
歛身而退候其收書方復進以續前語若

其人置書几上亦不可取須俟其人云
某所惠書云云足下請觀之方可一看若書
中事無大小以至戲謔之凡入人家不可
語皆不可於他處復說之
看人文字凡入人家不可於几案上及書
冊子錢穀文曆等內翻看人家書簡及記事
切不可於背後觀皆無德之一端也凡借
人物不可損壞不還凡借一物上至書冊
則不須借若不獲已則須愛護過於己者
看用纔畢即歸還切不可以借為名意
在沒納及不加愛惜至有損壞大率豪氣
者於此已之物多不自愛若借人物豈可亦
如此此非用豪氣之凡喫飲食不可揀擇
所乃無德之一端也

三十一
文正則

言胡氏知

去取凡飲食蒸餅去皮饅頭去帶肉去脂
而已自非生硬臭惡與人犯已乃癡騃無知
宿疾之物豈有不食之理與人同處不
可自擇便利凡與人同坐夏則已擇涼處
多取先取皆無見人富貴不可歎美詆毀
德之一端也
富貴高下人所共知見親戚相識輒稱其
富貴若得其實即是歎美可見不知義命
若不得實即是疾甚凡此數事有犯之者
用心不佳莫此為甚
足以見用意之不肖於存心脩身大有所
害因書以自警
○胡子曰今之儒者移學

文藝于仕進之心以收其放心而美其身
則何古人之不可及哉父兄以文藝令其
子弟朋友以仕進相招往而不返則心始
荒而不治萬事之成咸不逮古先矣○顏
氏家訓曰夫所以讀書學問本欲開心明
目利於行耳未知養親者欲其觀古人之
先意承顏怡聲下氣不憚劬勞以致甘腴
惕然慙懼起而行之也未知事君者欲其

外三十一文正川

觀古人之守職無侵見危授命不忘誠諫
以利社稷惻然自念思欲效之也素驕奢
者欲其觀古人之恭儉節用畀以自牧禮
爲教本敬者身基瞿然自失歛容抑志也
素鄙恪者欲其觀古人之貴義輕財少私
寡慾忌盈惡滿窮卹匱赧然悔耻積而
能散也素暴悍者欲其觀古人之小心黜
已齒弊舌存含垢藏疾尊賢容衆恭然沮

喪若不勝衣也素怯懦者欲其觀古人之
達生委命強毅正直立言必信求福不回
勃然奮厲不可恐懼也歷茲以往百行皆
然縱不能淳去泰去甚學之所知施無不
達世人讀書但能言之不能行之武人俗
吏所共嗤詆良由是耳又有讀數十卷書
僂自高大陵忽長者輕慢同列人疾之如
讎敵惡之如鴟梟如此以學求益今反自

唐彦思
伊川雜
錄

損不如無學也○伊川先生曰大學孔氏
之遺書而初學入德之門也於今可見古
人為學次第者獨賴此篇之存而其他則
未有如論孟者故學者必由是而學焉則
庶乎其不差矣○凡看語孟且須熟讀玩
味將聖人之言語切己不可只作一場話
說看得此二書切己終身儘多也○讀論
語者但將弟子問處便作已問將聖人答

全前

全前

語錄

處便作今日耳聞自然有得若能於論孟
中深求玩味將來涵養成甚生氣質○橫
渠先生曰中庸文字輩直須句句理會過
使其言互相發明○六經須循環理會儘
無窮待自家長得一格則又見得別○呂
舍人曰大抵後生為學先須理會所以為
學者何事一行一住一語一默須要盡合
道理學業則須是嚴立課程不可一日放

全前
又經學
理宿
童蒙訓

外
卷
文
正
訓
錄

慢每日須讀一般經書一般子書不須多
只要令精熟須靜室危坐讀取二三百遍
字字句句須要分明又每日須連前三五
授通讀五七十遍須令成誦不可一字放
過也史書每日須讀取一卷或半卷以上
始見功須是從人授讀疑難處便質問求
古聖賢用心竭力從之夫指引者師之功
也行有不至從容規戒者朋友之任也夫

童蒙訓

意而往則須用己力難仰他人矣○呂氏
童蒙訓曰今日記一事明日記一事久則
自然貫穿今日辨一理明日辨一理久則
自然淡洽今日行一難事明日行一難事
久則自然堅固渙然冰釋怡然理順久自
待之非偶然也○前輩嘗說後生才性過
人者不足畏惟讀書尋思推究者為可畏
耳又云讀書只怕尋思蓋義理精深惟尋

外書
收正訓

思用意為可以得之，鹵莽厭煩者，決無有成之理。○顏氏家訓曰：借人典籍，皆須愛護。先有缺壞，就為補治。此亦士大夫百行之一也。濟陽江祿讀書，未竟，雖有急速，必待卷束整齊，然後得起。故無損敗，人不厭其求假焉。或有狼籍几案，分散部秩，多為童幼婢妾所點污，風雨蟲鼠所毀傷，實為累德。吾每讀聖人書，未嘗不肅敬對之。其

遺書

明道先生行狀

故紙有五經詞義及聖賢姓名，不敢他用也。○明道先生曰：君子教人有序。先傳以小者，近者，而後教以大者，遠者。非是先傳以近小，而後不教以遠大也。○明道先生曰：道之不明，異端害之也。昔之害，近而易知，今之害，深而難辨。昔之惑人，也乘其迷暗，今之入人也，因其高明。自謂之窮神知化，而不足以開物成務，言為無不周徧實。

針
卷五
次正川

則外於倫理窮深極微而不可以入堯舜之道天下之學非淺陋固滯則必入於此自道之不明也邪誕妖妄之說競起塗生民之耳目溺天下於汙濁雖高才明智膠於見聞醉生夢死不自覺也是皆正路之藜蕪聖門之蔽塞闢之而後可以入道

右廣敬身

善行第六

呂氏家訓

呂榮公名希哲字原明申國正獻公之長子正獻公居家簡重寡默不以事物經心而申國夫人性嚴有法度雖甚愛公然教公事事循蹈規矩甫十歲祁寒暑雨侍立終日不命之坐不敢坐也日必冠帶以見長者平居雖甚熱在父母長者之側不得去巾襪縛袴衣服唯謹行步出入無得入茶肆酒肆市井里巷之語鄭衛之音未嘗

外三六一文三川

一經於耳不正之書非禮之色未嘗一接
於目正獻公通判潁州歐陽公適知州事
焦先生千之伯強客文忠公所嚴毅方正
正獻公招延之使教諸子諸生少有過差
先生端坐召與相對終日竟夕不與之語
諸生恐懼畏伏先生方略降詞色時公方
十餘歲內則正獻公與申國夫人教訓如
此之嚴外則焦先生化導如此之篤故公

呂氏童蒙訓

德器成就大異眾人公嘗言人生內無賢
父兄外無嚴師友而能有成者少矣○呂
榮公張夫人待制諱昱之之幼女也最鍾
愛然居常至微細事教之必有法度如飲
食之類飯羹許夏益魚肉不夏進也時張
公已爲待制河北都轉運使矣及夫人嫁
呂氏夫人之母申國夫人姊也一日來視
女見舍後有鍋釜之類大不樂謂申國夫

文正公集

唐書卓
行傳

歐陽文
忠公集
安定先
生墓表

人曰豈可使小兒輩私作飲食壞家法耶
其嚴如此○唐陽城為國子司業引諸生
告之曰凡學者所以學為忠與孝也諸生
有久不省親者乎明日謁城還養者二十
輩有三年不歸侍者斥之○安定先生胡
瑗字翼之患隋唐以來仕進尚文辭而遺
經業苟趨祿利及為蘇湖二州教授嚴條
約以身先之雖大暑必公服終日以見諸

生嚴師弟子之禮解經至有要義輒輟為
諸生言其所以治己而後治于人者學徒
千數日月剗劇為文章皆傳經義必以理
勝信其師說敦尚行實後為大學四方歸
之庠舍不能容其在湖學置經義齋治事
齋經義齋者擇疏通有器局者居之治事
齋者人各治一事又兼一事如治民治兵
水利算數之類其在大學亦然其弟子散

文集請
脩學校
尊師備
取生制
子

在四方隨其人賢愚皆循循雅飭其言談
舉止遇之不問可知為先生弟子其學者
相語稱先生不問可知為胡公也○明道
先生言於朝曰治天下以正風俗得賢才
為本宜先禮命近侍賢儒及百執事悉心
推訪有德業充備足為師表者其次有篤
志好學材良行脩者延聘敦遣萃於京師
俾朝夕相與講明正學其道必本於人倫

明乎物理其教自小學灑掃應對以往脩
其孝悌忠信周旋禮樂其所以誘掖激勵
漸摩成就之道皆有節序其要在於擇善
脩身至於化成天下自鄉人而可至於聖
人之道其學行皆中於是者為成德取材
識明達可進於善者使日受其業擇其學
明德尊為大學之師次以分教天下之
學擇士入學縣升之州州實興於大學大

學聚而教之歲論其賢者能者於朝凡選士之法皆以性行端潔居家孝悌有廉耻禮讓通明學業曉達治道者○伊川先生看詳學制太槩以為學校禮義相先之地而月使之爭殊非教養之道請改試為課有所未至則學官召而教之更不考定高下制尊賢堂以延天下道德之士醵解額以去利誘省繁文以專委任勵行檢以厚

風教及置待賓吏師齋立觀光法如是者亦數十條○藍田呂氏鄉約曰凡同約者德業相勸德謂見善必行聞過必改能治其身能治其家能睦親故能擇子弟能御僮僕能事長上能睦親故能擇交遊能守廉介能廣施惠能受寄託能救患難能規過失能為人謀能為眾集事能解開爭能決是非能興利除害能居官舉職業謂居家則事父兄教子弟待妻妾在社則事長上接朋友後生御僮僕至下于讀書治田營家濟物好禮樂射御書數過之類皆可為之非此類皆為無益過失相規止踰違三日行不恭遜四日言不

伊川文集
明道行狀
建康祠
堂記

忠信五曰造言六曰營私太甚不脩
之過一曰交非其人二曰遊戲怠惰三曰
動作無儀四曰臨事不節禮俗相交謂婚姻喪
禮往還書問患難相卹一曰水火二曰盜
廢弔之節孤弱六有善則書于籍有過若
死喪五曰孤弱六有善則書于籍有過若
日誣在七曰貧乏有善則書于籍有過若
違約者亦書之三犯而行罰不悛者絕之
○明道先生教人自致知至於知止誠意
至於平天下洒掃應對至於窮理盡性循
循有序病世之學者捨近而趨遠處下而

後漢書
列傳

闕高所以輕自大而卒無得也
右實立教
江革少失父獨與母居遭天下亂盜賊並
起革負母逃難備經險阻常採拾以為養
數遇賊或劫欲將去革輒涕泣求哀言有
老母辭氣愿款有足感動人者賊以是不
忍犯之或乃指避兵之方遂得俱全於難
轉客下邳貧窮裸跣行傭以供母僂身之

外史
一
文王訓

同前

物莫不畢給。○薛包好學，篤行，父娶後妻，而憎包，分出之。包日夜號泣，不能去。至被毆杖，不得已，廬於舍外。旦入而灑掃，父怒，又逐之。乃廬於里門，晨昏不廢。積歲餘，父母慚而還之。後服喪過哀，既而弟子求分財，異居，包不能止。廼中分其財，奴婢引其老者曰：「與我共事久，若不能使也。」田廬取其荒頓者曰：「吾少時所理，意所戀也。」器物

晉書列傳

取其朽敗者曰：「我素所服食，身口所安也。」弟子數破其產，輒復賑給。○王祥性孝，蚤喪親，繼母朱氏不慈，數譖之。由是失愛於父，每使掃除牛下。祥愈恭謹，父母有疾，衣不解帶，湯藥必親嘗。母嘗欲生魚，時天寒冰凍，祥解衣將剖冰求之。冰忽自解，雙鯉躍出，持之而歸。母又思黃雀炙，復有雀數十飛入其幕，復以供母。鄉里驚嘆，以為孝。

晉書孝友傳

感所致有丹柰結實母命守之每風雨祥輒抱樹而泣其篤孝純至如此○王裒字偉元父儀為魏安東將軍司馬昭司馬東關之敗昭問於衆曰近日之事誰任其咎儀對曰責在元帥昭怒曰司馬欲委罪於孤耶遂引出斬之裒痛父非命於是隱居教授三徵七辟皆不就廬于墓側旦夕常至墓所拜跪攀柏悲號涕淚著樹樹為之

全前

柳氏家訓

枯讀詩至哀哀父母生我劬勞未嘗不三復流涕門人受業者並廢蓼莪之篇家貧躬耕計口而田度身而蠶或有密助之者裒皆不聽及司馬氏篡魏裒終身未嘗西向而坐以示不臣于晉○晉西河人王延事親色養夏則扇枕席冬則以身溫被隆冬盛寒體常無全衣而親極滋味○柳玘曰崔山南昆弟子孫之盛鄉族罕比山南

外史三 次正訓點

南史孝友傳

曾祖王母長孫夫人年高無齒祖母唐夫人事姑孝每且櫛紕拜於階下卽升堂乳其姑長孫夫人不粒食數年而康寧一日疾病長幼咸萃宣言無以報新婦恩願新婦有子有孫皆得如新婦孝敬則崔之門安得不昌大乎○南齊庾黔婁爲孱陵令到縣未旬父易在家遘疾黔婁忽心驚舉身流汗卽日棄官歸家家人悉驚其忽

空前

至時易疾始二日醫云欲知差劇但嘗糞甜苦易泄利黔婁輒取嘗之味轉甜滑心愈憂苦至夕每誓頽北辰求以身代○海虞令何子平母喪去官哀毀踰禮每哭踊頓絕方蘇屬大明末東土饑荒繼以師旅八年不得營葬晝夜號哭常如祖括之日冬不衣絮夏不就清涼一日以米數合爲粥不進塩菜所居屋敗不蔽風日兄子伯

朱壽昌
遺事

興欲爲葺理子平不肯曰我情事未申天地一罪人耳屋何宜覆祭與宗爲會誓太守甚加矜賞爲營塚壙○朱壽昌生七歲父守雍出其母劉氏嫁民間母子不相知者五十年壽昌行四方求之不已飲食罕御酒肉與人言輒流涕熙寧初棄官入秦與家人訣誓不見母不復還行次同州得焉劉氏時年七十餘矣雍守錢明逸以事

遺書

漢書列
傳

聞詔壽昌還就官繇是天下皆知其孝壽昌再爲郡守至是以母故通判河中府迎其同母弟妹以歸居數歲母卒涕泣幾喪明拊其弟妹益篤爲買田宅居之其於宗族尤盡恩意嫁兄弟之孤女二人葬其不能葬者十餘喪蓋其天性如此○伊川先生家治喪不用浮屠在洛亦有一二人家化之○霍光出入禁闈二十餘年小心謹

慎未嘗有過為人沈靜詳審每出入下殿門進止有常處郎僕射竊議視之不失尺寸○汲黯景帝時為太子洗馬以嚴見憚武帝即位召為主爵都尉以數直諫不得久居位是時太后弟武安侯田蚡為丞相中二千石拜謁蚡弗為禮黯見蚡未嘗拜揖之上方招文學儒者上曰吾欲云云黯對曰陛下內多欲而外施仁義柰何欲效

唐虞之治乎上怒變色而罷朝公卿皆為黯懼上退謂人曰甚矣汲黯之戇也群臣或數黯黯曰天子置公卿輔弼之臣寧令從諛承意陷主於不義乎且己在其位縱愛身奈辱朝廷何黯多病病且滿二月上常賜告者數終不瘳最後嚴助為請告上曰汲黯何如人也曰使黯任職居官亡以瘳人然至其輔少主守成雖自謂賁育弗

北史列傳

能奪也上曰然古有社稷之臣至如汲黯近之矣大將軍青侍中上踞廁視之丞相弘宴見上或時不冠至如見黯不冠不見也上嘗坐武帳黯前奏事上不冠望見黯避帷中使人可其奏其見敬禮如此○初魏遼東公翟黑子有寵於太武奉使并州受布千疋事覺黑子謀於著作郎高允曰主上問我當以實告為當諱之允曰公惟

幄寵臣有罪首實庶或見原不可重為欺罔也中書侍郎崔鑿公孫質曰若首實罪不可測不如姑諱之黑子怨允曰君柰何誘人就死地入見帝不以實對帝怒殺之帝使允授太子經及崔浩以史事被収太子謂允曰入見至尊吾自導卿脫至尊有問但依吾語太子見帝言高允小心慎密且微賤制由崔浩請赦其死帝召允問曰

外史列傳

國書皆浩所爲乎對曰臣與浩共爲之然
浩所領事多總裁而已至於著述臣多於
浩帝怒曰允罪甚於浩何以得生太子懼
曰天威嚴重允小臣迷亂失次耳臣竊問
皆云浩所爲帝問允信如東宮所言乎對
曰臣罪當滅族不敢虛妄殿下以臣侍講
日久哀臣欲丐其生耳實不問臣臣亦無
此言不敢迷亂帝顧謂太子曰直哉此人

情所難而允能爲之臨死不易辭信也爲
臣不欺君貞也宜特除其罪以旌之遂赦
之他日太子讓允曰吾欲爲卿脫死而卿
不從何也允曰臣與崔浩實同史事死生
榮辱義無獨殊誠荷殿下再造之慈違心
苟免非臣所願也太子動容稱嘆允退謂
入曰我不奉東宮指導者恐負翟黑子故
也○李君行先生名潛虔州人入京師至

舊唐書
列傳

泗州留止其子弟請先往君行問其故曰
科場近欲先至京師貫開封戶籍取應君
行不許曰汝虔州人而貫開封戶籍欲求
事君而先欺君可乎寧遲緩數年不可行
也○崔玄暉母盧氏嘗誡玄暉曰吾見姨
兄屯田郎中辛亥馭曰兒子從宦者有人
來云貧乏不能存此是好消息若聞賢貨
充足衣馬輕肥此惡消息吾嘗以為確論

呂氏雜
錄及晁
氏家語

比見親表中仕宦者將錢物上其父母父
母但知喜悅竟不問此物從何而來必是
祿俸餘資誠亦善事如其非理所得此與
盜賊何別縱無大咎獨不內愧於心玄暉
遵奉教誡以清謹見稱○劉器之待制初
登科與二同年謁張觀參政三人同起身
請教張曰某自守官以來常持四字勤謹
和緩中間一後生應聲曰勤謹和既聞命

外四九
文正川

遺書

童蒙訓

列女傳

矣緩之丁字某所未聞張正色作氣曰何嘗教賢緩不及事且道世間甚事不因忙後錯了○伊川先生曰安定之門人往往知稽古愛民矣則於為政也何有○呂榮公自少官守處未嘗干人舉薦其子舜從守官會稽人或譏其不求知者舜從對曰勤於職事其他不敢不慎乃所以求知也○漢陳孝婦年十六而嫁未有子其夫當

行戍且行時屬孝婦曰我生死未可知幸有老母無他兄弟備養吾不還汝肯養吾母乎婦應曰諾夫果死不還婦養姑不衰慈愛愈固紡績織紉以為家業終無嫁意居喪三年其父母哀其少無子而早寡也將取嫁之孝婦曰夫去時屬妾以供養老母妾既許諾之夫養人老母而不能卒許人以諾而不能信將何以立於世欲自殺

外傳
列女傳

後漢書
列女傳

其父母懼而不敢嫁也遂使養其姑二十八年姑八十餘以天年終盡賣其田宅財物以葬之終奉祭祀淮陽太守以聞使使者賜黃金四十斤復之終身無所與號曰孝婦○漢鮑宣妻桓氏字少君宣嘗就少君父學父奇其清苦故以女妻之裝送資賄甚盛宣不悅謂妻曰少君生富驕習美飾而吾實貧賤不敢當禮妻曰太人以先

皇父謚
列女傳

生脩德守約故使賤妾侍執巾櫛既奉承君子惟命是從宣笑曰能如是是吾志也妻乃悉歸侍御服飾更著短布裳與宣共挽鹿車歸鄉里拜姑禮畢提甕出汲脩行婦道鄉邦稱之○曹爽從弟文叔妻譙郡夏侯文寧之女名令女文叔蚤死服闋自以年少無子恐家必嫁已乃斷髮為信其後家果欲嫁之令女聞即復以刀截兩耳

居止常依爽及爽被誅曹氏盡死令女叔
父上書與曹氏絕婚彊迎令女歸時文寧
爲梁相憐其少執義又曹氏無遺類冀其
意阻乃微使人風之令女嘆且泣曰吾亦
惟之許之是也家以爲信防之少懈令女
於是竊入寢室以刀斲鼻蒙被而卧其母
呼與語不應發被視之血流滿床席舉家
驚惶往視之莫不酸鼻或謂之曰人生世

唐書列
女傳

間如輕塵棲弱草耳何辛苦乃爾且夫家
夷滅已盡守此欲誰爲哉令女曰聞仁者
不以盛衰改節義者不以存亡易心曹氏
前盛之時尚欲保終况今衰亡何忍棄之
禽獸之行吾豈爲乎○唐鄭義宗妻盧氏
略涉書史事舅姑甚得婦道嘗夜有強盜
數十持仗鼓譟踰垣而入家人悉奔竄唯
有姑獨在室盧冒白刃往至姑側爲賊捶

全前

擊幾死賊去後家人問何獨不懼盧氏曰
人所異於禽獸者以其有仁義也鄰里
有急尚相赴救况在於姑而可委棄乎若
萬一危禍豈宜獨生○唐奉天竇氏二女
生長草野幼有志操永泰中群盜數千人
剽掠其村落二女皆有容色長者年十九
幼者年十六匿巖穴間曳出之驅迫以前
臨壑谷深數百尺其姊先曰吾寧就死義

後漢書
獨行傳

不受辱即投崖下而死盜方驚駭其妹繼
之自投折足破面流血群盜乃捨之而去
京兆尹第五琦嘉其貞烈奏之詔旌表其
門閭永蠲其家丁役○繆彤少孤兄弟四
人皆同財業及各取妻諸婦遂求分異又
數有鬪爭之言彤深懷忿嘆乃掩戶自搥
曰繆彤汝修身謹行學聖人之法將以齊
整風俗柰何不能正其家乎弟及諸婦聞

外傳 卷之三十一

北史循吏傳

之悉叩頭謝罪遂更爲敦睦之行○蘇瓊除南清河太守有百姓乙普明兄弟爭田積年不斷各相援據乃至百人瓊召普明兄弟諭之曰天下難得者兄弟易求者田地假令得田地失兄弟心如何因而下淚諸證人莫不灑泣普明兄弟叩頭乞外更思分異十年遂還同住○王祥弟覽母朱氏遇祥無道覽年數歲見祥被楚撻輒涕

晉書列傳

晉書良吏傳

泣抱持至于成童每諫其母其母少止凶虐朱屢以非理使祥覽與祥俱又虐使祥妻覽妻亦趨而共之朱患之乃止○晉石僕射鄧攸永嘉末没于石勒過泗水攸以牛馬負妻子而逃又遇賊掠其牛馬步走擔其兒及其弟子終度不能兩全乃謂其妻曰吾弟蚤亡唯一息理不可絕止應自棄我兒耳幸而得存我後當有子妻泣

外傳 卷之二十一 忠貞 十一

晉書孝友傳

而從之乃棄其子而去之卒以無嗣時人義而哀之為之語曰天道無知使鄧伯道無兒弟于綏服攸喪三年○晉咸寧中大疫庾衮二兄俱亡次兄眈復危殆羸氣方熾父母諸弟皆出次于外衮獨留不去諸父兄強之乃曰衮性不畏病遂親自扶持晝夜不眠其間復撫衮哀臨不輟如此十有餘旬疫勢既歇家人乃反眈病得差衮

北史列傳

亦無恙父老咸曰異哉此子守人所不能守行人所不能行歲寒然後知松柏之後凋始知疫癘之不能相溲也○楊播家世純厚並敦義讓昆季相事有如父子椿津恭謙兄弟旦則聚於廳堂終日相對未嘗入內有一美味不集不食廳堂間往往幃幔隔障為寢息之所時就休偃還共談笑椿年老曾他處醉歸津扶持還室假寢閣

外傳 卷五十一 孝友傳

隋書列傳

前承侯安否椿津年過六十並登台鼎而
津常旦莫參問子姪羅列階下椿不命坐
津不敢坐椿每近出或日斜不至津不先
飯椿還然後共食食則津親授匙箸味皆
先嘗椿命食然後食津為肆州椿在京宅
每有四時嘉味輒因使次附之若或未寄
不先入口一家之內男女百口總服同爨
庭無間言○隋東部尚書牛弘弟弼好酒

唐書列傳

而酌嘗醉射殺弘駕車牛弘還宅其妻迎
謂弘曰叔射殺牛弘聞無所恠問直答曰
作脯坐定其妻又曰叔射殺牛大是異事
弘曰已知顏色自若讀書不輟○唐英公
李勣貴為僕射其姊病必親為然火煮粥
火焚其鬚姊曰僕妾多矣何為自苦如此
勣曰豈為無人耶顧今姊年老勣亦老雖
欲數為姊煮粥復可得乎○司馬溫公與

范太史文集

呂氏童
蒙訓

其兄伯康友愛尤篤伯康年將八十公奉
之如嚴父保之如嬰兒每食少頃則問曰
得無饑乎天少冷則拊其背曰衣得無薄
乎○近世故家惟晁氏因以道申戒子弟
皆有法度群居相呼外姓尊長必曰某姓
第幾叔若兄諸姑尊姑之夫必曰某姓姑
夫某姓尊姑夫未嘗敢呼字也其言父黨
交游必曰某姓幾丈亦未嘗敢呼字也當

全前

時故家舊族皆不能若是○包孝肅公尹
京時民有自言以白金百兩寄我者死矣
予其子不肯受願召其子予之尹召其子
辭曰亡父未嘗以白金委人也兩人相讓
久之呂榮公聞之曰世人喜言無好人三
字者可謂自賊者矣古人言人皆可以為
堯舜蓋觀於此而知之○萬石君石奮歸
老于家過宮門闕必下車趨見路馬必軾

史記及
漢書列
傳

外
傳
一
卷
上
第
一
章

焉子孫爲小吏來歸謁萬石君必朝服見之，不名，子孫有過失，不諂讓，爲僂坐對案，不食，然後諸子相責，因長老肉袒固謝罪，改之，乃許。子孫勝冠者在側，雖燕必冠，申申如也。僮僕訢訢如也。唯謹上時，賜食於家，必誓首俯伏而食，如在上前，其執喪哀戚甚于孫。遵教亦如之。萬石君家以孝謹聞乎郡國，雖齊魯諸儒質行，皆自以爲不

及也。長子建爲郎中，令少子慶爲內史，建老白首，萬石君尚無恙。每五日洗沐，歸謁親入子舍，竊問侍者取親中裙廁踰身自浣滌，復與侍者不敢令萬石君知之，以爲常。內史慶醉歸入外門，不下車，萬石君聞之不食，慶恐肉袒謝罪，不許。舉宗及兒建肉袒，萬石君讓曰：「內史貴人，入閭里，里中長老皆走匿，而內史坐車中自如，固當乃

浣滌下
集成載
親謂父
云云叔
之本注
誤也今
刪去

外史
改正

謝罷慶慶及諸子入里門趨至家○疏廣
為太子太傅上疏乞骸骨加賜黃金二十
斤太子贈五十斤歸鄉里日令家供具設
酒食請族人故舊賓客相與娛樂數問其
家金餘尚有幾斤趣賣以共其居歲餘廣
子孫竊謂其昆弟老人廣所信愛者曰子
孫莫及君時頗立產業基址今日飲食費
且盡宜從丈人所勸說君置田宅老人即

以間暇時為廣言此計廣曰吾豈老悖不
念子孫哉顧自有舊田廬令子孫勤力其
中足以共衣食與凡人齊今復增益之以
為贏餘但教子孫怠惰耳賢而多財則損
其志愚而多財則益其過且夫富者眾之
怨也吾既無以教化子孫不欲益其過而
生怨又此金者聖主所以惠養老臣也故
樂與鄉黨宗族共享其賜以盡吾餘不

後漢書
逸民傳

亦可乎○龐公未嘗入城府夫妻相敬如賓劉表候之龐公釋耕於壟上而妻子耘於前表指而問曰先生苦居畎畝而不肯官祿後世何以遺子孫乎龐公曰世人皆遺之以危今獨遺之以安雖所遺不同未為無所遺也表嘆息而去○陶淵明為彭澤令不以家累自隨送一力給其子書曰汝且夕之費自給為難今遣此力助汝薪

晉書列
傳

北史魏
崔挺傳

水之勞此亦人子也可善遇之○崔孝芬兄弟孝義慈厚弟孝暉等奉孝芬盡恭順之禮坐食進退孝芬不命則不敢也雞鳴而起且溫顏色一錢尺帛不入私房吉凶有須聚對分給諸婦亦相親愛有無共之孝芬叔振既亡後孝芬等承奉叔母李氏若事所生旦夕溫清出入啓覲家事巨細一以咨決每兄弟出行有獲則尺寸以上

外
一
收
正
川
景

文中子
關朗篇

唐書孝
友傳

皆入李之庫四時分資李氏自裁之如此
二十餘歲○王凝常居慄如也子弟非公
服不見閨門之內若朝廷焉御家以四教
勤儉恭恕正家以四禮冠昏喪祭聖人之
書及公服禮器不假垣屋什物必堅朴曰
無苟費也門巷果木必方列曰無苟亂也
○張公藝九世同居北齊隋唐皆旌表其
門麟德中高宗封泰山幸其宅召見公藝

昌黎集

問其所以能睦族之道公藝請紙筆以對
乃書忍字百餘以進其意以為宗族所以
不協由尊長衣食或有不均卑幼禮節或
有不備更相責望遂為乖爭苟能相與忍
之則家道雍睦矣○韓文公作董生行曰
淮水出桐栢山東馳遙遙千里不能休肥
水出其側不能千里百里入淮流壽州屬
縣有安豐唐貞元年時縣人董生召壽隱

文選卷之...

居行義於其中，刺史不能薦，天子不聞名。聲爵祿不及門，門外惟有吏。日來徵租，夏索錢，嗟哉！董生朝出耕，夜歸讀。古人書，盡日不得息。或山而樵，或水而漁，人厨具，甘旨上堂問起居。父母不感感，妻子不咨咨。嗟哉！董生孝且慈，人不識，唯有天翁知。生祥下瑞，無休期。家有狗乳，出求食，雞來哺。其兒啄啄，庭中拾蟲蟻，哺之不食，鳴聲悲。

温公家範

彷徨躑躅，久不去，以翼來覆，待狗歸，嗟哉！董生誰將與儔？時之人，夫妻相虐，兄弟為讎，食君之祿，而令父母愁，亦獨何心！嗟哉！董生無與儔。○唐河東節度使柳公綽，在公卿間最名，有家法。中門東有小齋，自非朝謁之日，每平旦輒出，至小齋，諸子仲郢皆束帶晨省於中門之北。公綽決私事，接賓客，與弟公權及群從弟再會，食自旦至。

莫不離小齋燭至則命一人子弟執經史躬讀一過訖乃講議居官治家之法或論文或聽琴至人定鐘然後歸寢諸子復昏定於中門之北凡二十餘年未嘗一日變易其遇饑歲則諸子皆蔬食曰昔吾兄弟侍先君爲丹州刺史以學業未成不聽食肉吾不敢忘也姑姊妹姪有孤嫠者雖踈遠必爲擇壻嫁之皆用刻木粧奩纈文絹

爲資裝常言必待資裝豐備何如嫁不失時及公綽卒仲郢一遵其法事公權如事公綽非甚病見公權未嘗不束帶爲京兆尹塩鐵使出遇公權於通衢必下馬端笏立侯公權過乃上馬公權莫歸必束帶迎侯於馬首公權屢以爲言仲郢終不以官達有小改公綽妻韓氏相國休之曾孫家法嚴肅儉約爲摺紳家楷範歸柳氏三年

家範

無少長未嘗見其啓齒常衣絹素不用綾羅錦繡每歸覲不乘金碧輿祇乘竹兜子二青衣步履以隨常命粉苦參黃連熊膽和為丸賜諸子每永夜習學舍之以資勤苦○江州陳氏宗族七百口每食設廣席長幼以次坐而共食之有畜犬百餘共一牢食一犬不至諸犬為之不食○溫公曰國朝公卿能守先法久而不衰者唯故李

五代史

相家子孫數世至二百餘口猶同居共爨田園邸舍所收及有官者俸祿皆聚之一庫計口日給餉婚姻喪葬所費皆有常數分命子弟掌其事其規模大抵出於翰林學士宗諤所制也

右寶明倫

或問第五倫曰公有私乎對曰昔人有與吾千里馬者吾雖不受每三公有所選舉

後漢書
列傳

空前

心不能忘而亦終不用也吾兄子嘗病一夜十往退而安寢吾子有疾雖不省視而竟夕不眠若是者豈可謂無私乎○劉寬雖居倉卒未嘗疾言遽色夫人欲試寬令患伺當朝會裝嚴已訖使侍婢奉肉羹翻汚朝服婢遽收之寬神色不異乃徐言曰羹爛汝手乎其性度如此○張湛矜嚴好禮動止有則居處幽室必自修整雖遇妻

空前

子若嚴君焉及在鄉黨詳言正色三輔以為儀表建武初為左馮翊告歸平陵望寺門而步王簿進曰明府位尊德重不宜自輕湛曰禮下公門軾路馬孔子於鄉黨恂恂如也父母之國所宜盡禮何謂輕哉○楊震所舉荊州茂才王密為昌邑令謁見懷金十斤以遺震震曰故人知君君不知故人何也密曰莫夜無知者震曰天知神

空前

後漢書卷之六十五

空前

知我知子知何謂無知密愧而去○茅容
與等輩避雨樹下衆皆夷踞相對容獨危
坐愈恭郭林宗行見之而奇其異遂與其
言因請寓宿旦日容殺雞爲饌林宗謂爲
已設既而供其母自以草蔬與客同飯林
宗起拜之曰卿賢乎哉因勸令學卒以成
德○陶侃爲廣州刺史在州無事輒朝運
百甓於齋外莫運於齋內人問其故答曰

晉書列傳

吾方致力中原過爾優逸恐不堪事其勵
志勤力皆此類也後爲荊州刺史侃性聰
敏勤於吏職恭而近禮愛好人倫終日歛
膝危坐閫外多事千緒萬端罔有遺漏遠
近書疏莫不手答筆翰如流未嘗壅滯引
接疏遠門無停客常語人曰大禹聖人乃
惜寸陰至於衆人當惜分陰豈可逸遊荒
醉生無益於時死無聞於後是自棄也諸

外傳 文正公集

唐書裴
行儉傳

參佐或以談戲廢事者乃命取其酒器蒲
博之具悉投之于江吏將則加鞭扑曰樗
蒲者牧猪奴戲耳老莊浮華非先王之法
言不可行也君子當正其衣冠攝其威儀
何有亂頭養望自謂弘達耶○王勃楊炯
盧照鄰駱賓王皆有文名謂之四傑裴行
儉曰士之致遠先器識而後文藝勃等雖
有文才而浮躁淺露豈享爵祿之器耶楊

昌黎集
孔司勳
墓誌

柳氏家
訓

空前

子沈靜應得令長餘得令終為幸其後勃
溺南海照鄰投穎水賓王被誅炯終盈川
令皆如行儉之言○孔戡於為義若嗜慾
不顧前後於利與祿則畏避退怯如懦夫
然○柳公綽居外藩其子每入境郡邑未
嘗知既至每出入常於戟門外下馬呼幕
賓為丈皆許納拜未嘗笑語款洽○柳仲
郢以禮律身居家無事亦端坐拱手出內

柳氏家訓

全前

齋未嘗不束帶三爲大鎮廐無良馬衣不
熏香公退必讀書手不釋卷家法在官不
奏祥瑞不度僧道不貸賦吏法凡理藩府
急於濟貧卹孤有水旱必先期假貸廩軍
食必精豐逋租必貰免館傳必增飾宴賓
犒軍必華盛而交代之際食儲帑藏必盈
溢於始至境內有孤貧衣纓家女及笄者
皆爲選婿出俸金爲資裝嫁之○柳玘曰

王相國涯方居相位掌利權竇氏女歸請
曰玉工貨一釵奇巧須七十萬錢王曰七
十萬錢我一月俸金耳豈於女惜但一釵
七十萬此妖物也必與禍相隨女子不復
敢言數月女自婚姻會歸告王曰前時釵
爲馮外郎妻首飾矣乃馮球也王嘆曰馮
爲郎吏妻之首飾有七十萬錢其可久乎
馮爲賈相餽門人最密賈有蒼頭頗張威

福焉召而勗之未浹旬馮晨謁賈有二青
衣捧地黄酒出飲之食頃而終賈爲出涕
竟不知其由又明年王賈皆邁禍噫王以
珍玩奇貨爲物之妖信知言矣徒知物之
妖而不知恩權隆赫之妖甚於物耶馮以
昇位貪寶貨已不能正其家盡忠所事而
不能保其身斯亦不足言矣賈之臧獲害
門客于牆廡之間而不知欲終始富貴其

唐軒筆
錄

歐陽文
忠公集
范文正
公神道
碑

可得乎此雖一事作戒數端○王文正公
發解南省廷試皆爲首冠或戲之曰狀元
試三場一生喫著不盡公正色曰曾平生
之志不在溫飽○范文正公少有大節其
於富貴貧賤毀譽歡戚不一動其心而慨
然有志於天下嘗自誦曰士當先天下之
憂而憂後天下之樂而樂也其事上遇人
一以自信不擇利害爲趨捨其有所爲必

文正公神道碑

晁無咎
錄

魏志高
士傳

呂申公
家傳

盡其方曰爲之自我者當如是其成與否
有不在我者雖聖賢不能必吾豈苟哉○
司馬溫公嘗言吾無過人者但平生所爲
未嘗有不可對人言者耳○管寧嘗坐一
木榻積五十餘年未嘗箕股其榻上當膝
處皆穿○呂正獻公自少講學卽以治心
養性爲本寡嗜慾薄滋味無疾言遽色無
窘步無惰容凡嬉笑俚近之語未嘗出諸

程氏
外書
遺書

元城語
錄

口於世利紛華聲伎游宴以至於博奕奇
玩淡然無所好○明道先生終日端坐如
泥塑人及至接入則渾是一團和氣○明
道先生作字時甚敬嘗謂人曰非欲字好
卽此是學○劉忠定公見溫公問盡心行
己之要可以終身行之者公曰其誠乎劉
公問行之何先公曰自不妄語始劉公初
甚易之及退而自礪枯日之所行與凡所

外書 卷一 文正別集

馬六年
元城語
錄序
呂氏童
蒙訓

言自相掣肘矛盾者多矣力行七年而後
成自此言行一致表裏相應遇事坦然常
有餘裕○劉公見賓客談論踰時體無敬
側肩背竦直身不少動至手足亦不移○
徐積仲車初從安定胡先生學潛心力行
不復仕進其學以至誠為本事母至孝自
言初見安定先生退頭容少偏安定忽厲
聲云頭容直某因自思不獨頭容直心亦

文中子
事君篇

柳氏家
訓

溫公訓
儉文

要直也自此不敢有邪心卒謚節孝先生
○文中子之服儉以潔無長物焉綺羅錦
繡不入于室曰君子非黃白不御婦人則
有青碧○柳玘曰高侍郎兄弟三人俱居
清列非速客不羹菽夕食齧葡萄飽而已
○李文靖公治居第於封丘門外廳事前
僅容旋馬或言其太隘公笑曰居第當傳
子孫此為宰輔廳事誠隘為太祝奉禮廳

外三
卷二
前

事則已寬矣○張文節公為相自奉如河陽掌書記時所親或規之曰今公受俸不少而自奉若此雖自信清約外人頗有公孫布被之譏公宜少從眾公嘆曰吾今日之俸雖舉家錦衣玉食何患不能顧人之常情由儉入奢易由奢入儉難吾今日之俸豈能常有身豈能常存一旦異於今日家人習奢已久不能頓儉必至失所豈若

吾居位去位身存身亡如一日乎○溫公曰先公為郡牧判官客至未嘗不置酒或三行或五行不過七行酒沽於市果止梨栗棗柿肴止於脯醢菜羹器用瓷漆當時士大夫皆然人不相非也會數而禮勤物薄而情厚近日士大夫家酒非內法果非遠方珍異食非多品器皿非滿案不敢會賓友常數日營聚然後敢發書苟或不然

空前

人爭非之_レ以爲鄙吝_一故不隨俗奢靡者鮮矣嗟乎風俗頽弊如是居位者雖不能禁忍助之乎○溫公曰吾家本家族世以清白相承吾性不喜華靡自爲乳兒時長者加以金銀華美之服輒羞赧棄去之年二十忝科名聞喜宴獨不戴花同年曰君賜不可違也乃簪一花平生衣取蔽寒食取充腹亦不敢服垢弊以矯俗于名但順吾

昌氏師友雜志

性而已○汪信民嘗言人常咬得菜根則百事可做胡康侯聞之擊節嘆賞右實敬身

小學外篇 終

外三十一文三川

